



Република Сербия

МИНИСТЕРСТВО ПРОСВИТИ, НАУКИ И ТЕХНОЛОГИЙНОГО РОЗВОЮ
ЗАВОД ЗА ВРЕДНОВАЊЕ КВАЛИТЕТУ ОБРАЗОВАЊА И ВОСПИТАЊА
ПЕДАГОГИЈНИ ЗАВОД ВОЙВОДИНИ

ЗАКОНЧУЮЋИ ИСПИТ НА КОНЦУ ОСНОВНОГО ОБРАЗОВАЊА И ВОСПИТАЊА

школски 2015/2016. рок

ТЕСТ

РУСКИ ЈАЗИК

УПУТСТВО ЗА РОБОТУ НА ТЕСТУ

- Тест ма **20** задатки котри треба ришиц за **120** минути.
- Кажди задаток з меркованьом пречитай, роздумай о тим же цо ше у задатку гледа и о способу на котри го треба ришиц (заокружоване, повязоване, подцаговане, дописоване и друге).
- Пиш крашне, водзаци рахунку же би твојо одвити були розумліви, але и граматично и правописно правилни.
- Кед ришуеш задатки у котрих ше од тебе гледа же би ши дацо дописал, вше хаснуй подполни назви; скрацєня не допущєни (на приклад – треба написац меновник, а не мен. або локатив, а не лок. и подобне).
- Пополни тест зоз **хемийним клайбасом** (у цеку роботи можеш хасновац графитни клайбас и гумку за сцєране).
- Одвити написани зоз хемийним клайбасом ше не шму прецаговац ани преправяц.
- До квадрату котри ше находзи з правого боку задатка нїч не уписуй. То простор до котрого тоти цо буду препатрац тест напишу число поєнох. На тим и остатним боку тиж так нїч не уписуй.
- Кед закончиш роботу скорей, придай тест и сцїха видз же би ши не завадзал роботи других.

Жичимє ци вельо успиху у работи!

1. Одредз смисел и наменку шлїдующего тексту.

Приповеда ше же добра арабска ґамила може пребегнуц од Меки по Медину (380 километри) од заходу по заход слунка (за 24 годзини). Драга водзи през пустиню, под слунком котре пражы, а доокола нет ані води, ані хладку. Лем писок и отворени простор з горучим витром. Незвычайни способносци ґамили же сцерпезлїво витримуе жажду, горучаву и сухи витор – вше були чудо за людзох. О ґамилох ест велї легенди. Аж недавно, з точним припатраньом и експериментом, дознало ше о невироятней витримовносци ґамили.

Вона може витримац без води два тижні. Але, кед найдзе воду, вец випие цали гордов. Кед не пила три дні, попие нараз 40 литри. Кед не пила еден тидзень, вец попие за пар минути 100 литри. Єдна мала ґамила котру вигледоваче провадзели попила нараз 104 литри води (а сама була чежка 235 килограми). Рекорд припада єдней другой ґамили котра перше попила 94 литри, а лем кус познейше ище 92 литри.

(И.И. Акимушкин)

Наведзени текст припада:

- а) експозиції
- б) нарації
- в) дескрибції
- г) доказованю

Заокруж букву опрез точного одвиту.

2. Чийо нашо едзене?

Сарма то традицийне турске едзене, барз популярне на Балкану. Преложене з турского языка слово “сармак” ма значене “закруцена ствар”. А слово Бал-кан на турским языку ма значене “крев и мед”.

Сарма ше прави зоз лїсца крижалки (главка капусти зоз квашеной капусти) до котрого ше закруци млетого мяса, рискаши и дода масци, присмачки, а дакеди и фалатки сушеного куреного мяса. Длуго ше вари у векшей судзини. Греки то правя и так же наместо лїсца з крижалки вежню лїсце з виновой лози та ше наволуе “япрак сарма”. И Болгаре и Українцы сарму тримаю за свойо традицийне националне едзене, лем беру лїсце зоз швижей капусти. У Босни и Албаниї ше прави зоз говедзиновим и овчим месом.

Породични магазин

Наша сарма, як ю звичайно правя Руснаци, найбаржей припада:

- а) турскей традиції
- б) греческей традиції
- в) болгарскей традиції
- г) албанскей традиції

Заокруж букву опрез точного одвиту.

3. Найдз одвити на питаня о продукциї кафи.

Бразил и бразилска кафа то лидер на медзинародним пияцу кафи, понеже ма найвецей продуковательох кафи. Випродуковани зарна кафи слабшого квалитету, але их вельо ест. Найлепши час за нащиву Бразилу то од юлия по септембер, бо ше теди обера кафа.

Колумбия и познати Анди, вельки горски региони коло Боготи то простор дзе ше хова кафа. Колумбийска кафа уходзи до шору шветово познатих.

Етиопия то жем дзе ше кафа “родзела”, а отамадз приходзи и мено рошліни и напиток. Зарна кафи там рошню на 1500 метери надморскей висини у горох провинциї Кафа.

Кения найвекши продукователь кафи у Африки. Кенийска кафа специялна, понеже тота горска кафа рошне на ище векшей висини як етиопска.

Кед будзеце исц на сафари, не забудзеце купиц на аукциї у Ямайки кафу сорти “Blue Mountain”, понеже є найпопулярнейша и найдрагша на швецe. То наймоцнейши смак кафи и велька привилегия кед вам даю покоштовац. Садзи ше и обера у жимних условийох на висини преїг 2300 метери надморскей висини.

а) найвецей кафи продукуе ше у _____

б) найдрагша кафа продукуе ше у _____

в) назва “кафа” по походзеню зоз _____

г) на найвекшей надморскей висини кафа ше продукуе у _____

4. Понукнути слова написани зоз сербску кирилку. Препиш их на смужку хаснуюци руску кирилку.

химна _____

голуб _____

југ _____

јувелир _____

хеликоптер _____

Јарослав _____

5. Пречитай виривок зоз приповідки „Приказанє“, Штефана Гудака и вибер 7 слова зоз хторих формуеш нове, розумліве, граматично и правописно правилне виречене. Кед потребне, можеш похасновац и 3 додатни слова хтори ше не находза у виреченю з приповідки.

Младша челедз, нєзадовольна зоз поєдноставеним толкованьом феномена, пробує одгаднуц його природу, але не ма за тото ані достаточно знаня ані искусства.

6. Добре пречитай виречене и препиш го на смужку меркуюци же би було у складзе зоз руским правописом.

младежка невладова організація БалканиДЕА Нови Сад по другираз отримала Живу библиотеку зоз тогорочну тему Не цень кніжку на основи рамиках

7. а) Дати два слова. Пречитай кельо ест гласи, а кельо букви у каждим слове и пополні таблічку.

	число буквох	число гласох
оддзвоніц		
одздравкац		

б) У таблічки дати два слова. У хторим слове и на хторе место ше може положиц апостроф? Напиш правилно тото слово зоз апострофом: _____

8. Зоз датого виреченя на линию випиш шицки меновніки.

Бачи го поволал на госцину гу себе до валалу, а тераз го охабел самого на непознатим дильове без живеї души доокола.

9. Зоз датового зложеного виреченя напиш штири прости. Кажде виреченє почні з вельку букву, а на концу полож точку.

Купел карту и шеднул до автобуса, гоч дома не поведол за свойо намири, лем написал цидулку.

10. Пречитай виреченя и випиш шицки неперменливи слова.

Пале, уж ше змерка, а ми не спали три ноци. Лем цошка ище вам сцем виприповедац.

Неперменливи слова: _____

11. На линиї напиш число додатку зоз хторого виведзене зависне виреченє.

а) Андя Люба става накадзи ше почина розвидняц. _____

б) Прето же слабо видзи, ноши окуляри. _____

в) Мирко вше пише так най мож легко пречитац. _____

г) Шицки пришли на место хторе зме означели на мапи. _____

1. додаток за место

2. додаток за час

3. додаток за способ

4. додаток за причину

12. Препознай зависни виреченя и випиш их на линиї.

1. Часто сом шніл тот брецок и витерняк на нїм док сом ходзел високо по хмарох.

зависне виреченє: _____

2. Пправе теди кед ше ніхто не наздавал нічому незвичайному, почала ше оддывац цалком незвичайна подія.

зависне виреченє: _____

3. Престрашени дзеци доволую родичох, котри зоз обисцох вибегую на уліцу.

зависне виреченє: _____

13. Пречитай виреченє.

Цихи, мирни вечар спуцовал ше над валал.

Напиш як ше вола визначена синтаксична єдинка (часц виреченя).

14. Пречитай виреченє и одредз того цо ше глєда за визначени слова.

Шедзим при облаку и припатрам ше **на преходнікох**.

1. шедзим

а) час _____

б) особа _____

в) число _____

2. на преходнікох

а) припадок _____

б) значенє _____

в) число _____

15. Пречитай виривок зоз радио-бависка *Капитан Джон Пиплфокс* Душана Радовича и одредз до хторого литературного роду припада.

КАПИТАН: Цо бешедую тоти людзе?

ШЕКЕРА: Капитанє, кед допущуєце, то єдно мале племе швидкобешедующих людзох...

Знаєце, вони барз швидко бешедую... Раз сом их уж стретол на тим истим месце...

КАПИТАН: Добре. Цо же сцу?

ШЕКЕРА: Ево, такой ше им опитам!... (*предлужує бешедовац швидко и нерозумліво*).

а) лирика

б) епика

в) драма

Заокруж букву опрез точного одвиту.

16. Под виривками напиш хтора форма висловйованя (приповедане, описоване, монолог, диялог) з німа представена.

а) Кед баба цудзим людзом о тим гуторела, оправдала тото свойо виречене:

– Знаце, я би и сама не верела, кед би сом діда Маслея сама не познала, кед би ми о нім приповедал гоч яки человек з валалу, цо нігдзе не бул, ніч не видзел и ніч не зна. Але я и у Єрусалиме була, и у Риме, трицец роки сом сама ґаздовала як ґдовица, зоз панами ше познам не од нешка, мойо двома синове високи школи звершели, наш паноцец парох то ми сват, я и у горватского бана при столе єдла (єден од синов моей баби учел баново дзеци) – а такого щешлівца як дідо Маслей, я нігда вецей не видзела.

(Цар над слунечніками, Гавриїл Костельник)

б) А кед бисце ище знали як вон шмело през тот свой живот ишол од родзеня, та аж тераз по штварту класу, ви би можебуц ані не верели. Але легко я вам докажем шицко цо повем о нім и о його потерашнім живоце. А повем прето же знам. Ми сушеди. Биваме тамаль од калдерми дакус баржей у тей долині цо ше оддзелює ґу сиверу.

(Бишалма, Михал Ковач)

в) Єден звичайни летушні вечар на валале зоз розбовчаним небом на заходзе и подаєдну гвизду на восточней часци неба, черчаньом каблех, шкрипаньом корпох и розглобених паланкох на студных при напаваню, лупканьом судзини при запожнених вечерох, дзецинским гласами, котри ше зазберую на бависко, дзивоцку писню, обовязкову зваду – зна ше уж у котрим обисцу, коруновану зоз плачом ґаздині, єден цалком звичайни вечар, остане у паметаню занавше.

(Приказанє, Штефан Гудак)

г) АНДРИ: Добри вечар!

МАРЯ: Добри вечар, бачи Андри! Цо ви у тот час гледаце у нас?

АНДРИ: Цо? Барана гледам... Не бул ту у вас, не скрил ше дагдзе?

МАРЯ: Барана? Бачика Михала Барана?

АНДРИ: Правого барана... цо люби теркац. Най му я роги подкрацим, а кед не, та голем кус тей бачваньскей креви пуцим...

(Ораче, Михал Ковач)



17. Пречитай основни информации опрез тексту драми „Ровняцки соблазні“, Дюри Папгаргая и одредз место и час случованя тей драми.

РОВНЯЦКИ СОБЛАЗНІ
(Драмски обрацики з руского живота)

Особи:

Георгий, парох керестурски

Иларион, млади селян

Ганча, дзивка

и други

(Случуе ше перших рокох по населеню Керестура)

Обрацик перши: ВИНЧАНЕ

(Нукашньосц церкви. Отец Георгий на боку. Од задку, полапани за руки приходза напредок Петро и Ганча. За німа група людзох. Од ніх одвоени жени у чарним – врачарки. На врачарки обрациц окремну увагу. То можу буц два жени у чарним, може буц хор вещей женох, лебо лем гласи споза сцени. Але каждая їх поетска клятва здабе на молитву.)

а) место _____

б) час _____

18. Єден руски писатель у писні утвердзеной форми хтора ма штернац стихи подзелени до двох катренох и двох терцинох, еднаке число складох у стиху и еднаке одношене римованих стихох поровнуе своєю шерцо зоз дзвоном.

а) Хто тот писатель?

б) Як ше вола тота файта писні?

в) Назва писні?

19. Есей то:

- а) текст о значних подійох зоз живота одредзеной визначней особи
- б) опис одредзеной жеми и стредку так як их видзел и дожил писатель
- в) текст хтори одредзена визначна особа пише о значних подійох зоз власного живота
- г) призначки о значних подійох зоз власного живота хтори писатель записовал кажди день з намиру же би описал и час и стредок у хторим жил и робел
- г) кратши прозни текст у хторим автор, на инвентивни и часто франтовлїви способ, виноши свойо особне похопене одредзеного зявеня з подруча науки, уметносци и живота вообще

Заокруж букву опрез точного одвиту.

20. Єден руски писатель написал писню утвердзеной форми у хторей розвил думку зоз першей строфи писні „Моя писня“ Гавриїла Костельника.

За дньох младих дом я славел
И Руснацох любел своїх, -
Їм у писньох любов глашел
И любени бул я од нїх.

а) Хто тот писатель?

б) Як ше вола тота файта писні?

в) Назва писні?
